



Allah ti povećao želju za onim što je dobro, nemoj to više činiti.'

Prenosi se od Hasana: "Jednom prilikom je Ebu Bekre došao (u džamiju), a Allahov Poslanik, sallallahu 'alejhi ve sellem, bijaše na ruku'u, pa je Ebu Bekre učinio ruku' prije nego je stigao do saffa, a onda je na ruku'u nastavio da ide do safa. Pošto Vjerovjesnik, sallallahu 'alejhi ve sellem, završio namaz, upita: 'Ko je ono od vas učinio ruku' prije nego je došao do safa, a onda tako nastavio da ide dok nije ušao u saf?' 'Ja sam.', odgovori Ebu Bekre, a Vjerovjesnik reče: 'Allah ti povećao želju za onim što je dobro, nemoj to više činiti.'"

[Vjerodostojan] [Hadis bilježi Ebu Davud - Hadis bilježi imam Ahmed]

Jedne prilike Ebu Bekre ušao je u džamiju, pa je zatekao Poslanika, sallallahu 'alejhi ve sellem, i njegove ashabe na ruku'u. Čim je ušao, požurio je da učini ruku', prije nego što je stigao do saffa, a to je učinio s ciljem da pristigne na rekat. Potom je hodao do saffa dok je bio na ruku'u, i stao zajedno sa ostalim vjernicima. Poslanik, sallallahu 'alejhi ve sellem, osjetio je neke pokrete iza sebe i primjetio je da ima neko ko žuri i ko je učinio ruku' prije nego što je ušao u saff. Ustvari, jedna od njegovih posebnosti jeste i ta da je vidio one koj su iza njega kao što je vidio i one koji su ispred njega. Kada je Poslanik, sallallahu 'alejhi ve sellem, završio sa namazom, upitao je: "Ko je taj koji je učinio ruku' prije nego što je stao u saff, a zatim u takvom stanju hodao do saffa?" Ebu Bekre reče: "Ja sam to učinio.", tj. Allahov Poslaniče, ja sam to uradio. Tada Poslanik, sallallahu 'alejhi ve sellem, reče: "Allah ti povećao tvoju želju za činjenjem dobra, ali nemoj više" žuriti i to činiti prije saffa, kako bi stigao na rekat ili ruku, jer žurenje utiče na smirenost u namazu. Poslanik, sallallahu 'alejhi ve sellem, kazao je: "Nema namaza onom ko klanja sam iza saffa." Postupak Ebu Bekreta ne ulazi u ovaj hadis jer je on sam klanjao veoma kratki period, kao i onaj koji sam u saffu učini ruku, pa mu se priključi druga osoba dok je na ruku'u. Međutim, to nije propisano jer u hadisu stoji: "Ne čini to više."

<https://sunnah.global/hadeeth/bs/show/11302>

